



石林居士建康集卷第四



記

細書閣記



孔子曰仕而優則學、而優則仕古之君  
 子未嘗一日不學也故傳說告高宗亦曰  
 念終始典于學而譬學不殖不殖將落者  
 原伯魯之所憂也建康承平時號文物都  
 會紹興初余為守當大兵之後屯城連營

城郭鬱為榛莽無服儒衣冠蓋嘗周易無  
從得于是凜然惧俎豆之將墜勉營理學  
校延集諸生得軍賦餘緡六百萬以授孝  
官使刊六經後七年余復領留鑰市廛五  
方雜居生聚之盛雖非前日比然詢漢唐  
諸史尚未有也顧余老且荒廢亦安所為  
簡策念漢初去孔子氏尚未遠一更秦亂  
而書亡五十一篇詩亡六篇周禮冬官盡

### 府學記

先王以武定天下必以文終之江漢宣王  
南征之詩也其言兵甲車馬之盛脩矣至  
于末乃曰矢其文德治此四國治道豈不  
有本末乎衛靈公問陳子曰俎豆之事則  
嘗聞之矣軍旅之事未之學也子豈以軍  
旅為不足孝哉以為知所以為俎豆則軍  
旅無不可為雖曰我戰則克可也漢高帝

悉定楚地獨魯不下引天下兵欲屠之魯  
中諸儒尚講誦習禮誥歌之聲不絕遂不  
敢加兵而待其服大道之行固有不期然  
而然者孰謂魯諸儒而能折高帝推而上  
之舜舞干羽而有苗格謂之誕敷文德無  
足恠者蓋理義之在人心莫不皆有苟未  
至于絕滅不幸喪失雖至于犯上作亂徐  
返其本亦必悔而知愛善為治者可待以

亡經且如是而况其他屋壁之藏幸得保  
有其餘至于今尚存者孝士大夫相身扶  
持傳習之効也今四方取向所亡散書稍  
稍鏤板漸多好事者宜當分廣其藏以脩  
萬一公厨適有羨錢二百萬不敢他費乃  
用編售經史諸書凡得若干卷聽事西北  
隅有隙地三丈有奇作別室上為房屋以  
遠卑溼為之藏而著其籍於有司退食之

暇素習未忘或時以展誦因取太史公金  
匱石室之意名之曰緇書閣而列其藏之  
目于左方後有同志日月增益之愈久當  
愈多亦足風示我僚使之知仕不可不勉  
于孝干戈將息而文治興有民人社稷者  
亦皆思讀書無重得罪于吾先君子之言  
云

之以愛而得所向不可期之以絕滅而終  
不返則文德其可一日廢于天下乎學校  
固禮義之所從出而斯文之所先也建康  
領江左八州之地于東南為大都會異時  
文獻甲于他方舊有學在州之巽隅更罹  
兵火城郭鞠為丘墟獨孝宮巍然僅存頽  
垣敗屋壁毀壓相藉生徒奔散博士倚席  
不講紹興二年某始以安撫大使分鎮方

時自淮川北裂為盜區蜂屯豕突齧齧相  
聞蓋欲葺而未暇後七年大駕還錢唐詔  
以建康為留都蒙恩復畀居守視事之明  
年輯寧荒殘流亡稍復民益安業于是喟  
然曰可以有事于孝矣乃命其屬因舊址  
盡撤而新之起己未孟冬訖庚申仲春凡  
五月為屋百二十有五間闢其南向以面  
秦淮增作講肆列置齋廬高明爽塏固有

加于前不侈不陋下及庖園罔不畢具既  
又作小孝于大門之東復命有司諏典禮  
薄正祭器作新冕黼皆中程式覈其田之  
在屬邑募民耕者千九百十五畝歲入其  
賦為米若豆黍麥五百四十斛有奇坊之  
得自酤者三區歲入其課為錢百八十萬  
有奇地之占府城得佃而居者八十有五  
所歲入其租為錢六百七十五萬有奇各

有圖藉以時輸之凡廩給之費無有其區  
乃以上丁釋奠于先聖前期率群執事齋  
于兩序蓋諸生無不從視滌省牲惟謹昧  
旦夙興邊豆在列肴酒靜嘉幣匪潔嚴史  
告時至以次就正位正笏垂紳佩玉鏗鐸  
降登伏興卒事無違禮成受釐濟爵于阼  
覲百者數百人皆駭其所未見無不太息  
感動退而揖所与祭者而告曰嗚呼子衿

之作鄭人之所耻也是不知在鄭何公然  
傳載然明欲毀鄉校子產不可則當子產  
時鄉校蓋復存是鄭之孝未嘗終廢有子  
產則能興之焉四方用兵踰十年孝校之  
列于郡國者其亡与存我不敢知惟天子  
以仁孝勤儉治天下克復大業願与中外  
休息還之承平者蓋終食不忘也上帝監  
覲亦既歸我河南之地兵革漸息惟漳宣

王之德于茲將興吾邦號陪都視定鼎荆  
廓宴為宗周是亦風化之首其復有孝自  
今始肉食者其可不推子產之鄭為鄭以  
求先聖眷々俎豆之意相与先後輔成我  
君之志布衣常帶亦必有宏達英偉之士  
拔于草萊接踵繼起由此而出以共濟一  
世者子夫大夫尚勉之皆曰唯遂為記刻  
之石後來者其有攷焉

建康掩骼記

建康承平時民之藉于坊郭以口計者十  
七萬有奇流寓商賈販遊手往來不與建  
炎已酉冬虜既大入十一月壬戌南渡自  
溧水徑趨浙留其偽大師張真奴分兵五  
百薄建康軍相杜充率麾下北去知府事  
陳邦光以城降虜由是未盡肆其虐別築  
城于西南隅以居取城中器械子女金帛



儲之禁吾民毋得出州城明年夏回自浙  
東五月復至建康与所留兵合丙午入城  
始料其强壮与官吏以兵圍守于州之正  
覺寺散取老弱之遺者悉救之縱火大掠  
越三日府寺民廬皆盡乃擁衆去凡驅而  
与俱者十之五逃而免者十之一民死于  
鋒鏑馱榜者盖十之四城中頭顱手足相  
枕藉血流通道傷殘宛轉于煨燼之間猶

有數日而後絕者官官繼收復又二年烏  
鳶所殘風雨所蝕阡陌溝渠暴骨皆充斥  
行者更踐虻居者雜卧起与瓦礫荆榛相  
半也紹興辛亥天子在會稽秋大饗明堂  
詔凡虜所破州縣暴骨之未斂者官為募  
為僧若道者收瘞累數至二百則得度于  
是州之寺五得其肄業精勤者一十人益  
以貧民之餓者食而佐之度城四隅高原

隙地各為穴以待歲出羨穀二百斛錢三百萬以給費為藉日較其所獲以時檢察之人欣然皆樂効力閏十九日得金體四千六百八十有七斷折殘毀不可計以金者又七八萬以次入于穴而城中之骸畧盡十二月甲子遂瘞虜之殘酷不道載籍以來未之有也惟天子仁聖將為斯民請命于上帝而不得則猶欲及其既腐之餘

昔文王葬枯骨而天下歸心其葬未必廣也推其所葬以及其所不葬而天下知其可以王矣秦穆公越國而代人及其敗也能封其尸君子猶許以霸天生斯民必使之生養蕃息以厚其終禍福予奪實將聯之其曰得乎丘民可以為天子殺一不辜惟得天下不為者名之曰好生之德然則自虜荐食中國奪天之所厚而殘之蓋不

為量數而我天子方推其所以好生者一  
二而收之于後天固享之矣合此億兆無  
辜之冤則亦必有聞者虜之亡其無日乎  
凡穴深廣皆二丈以其四之三藏骨其一  
寔以土其上封皆高一丈東西門清涼寺  
之南茶山之下者二北門張王廟之西北  
麟池山之下者二南門官道之西越臺臺  
臺之下者二東門官道之北齊安者寺之  
西者二合八冢督役者兵馬鈐轄拱衛大  
夫寧州防禦使張禧都巡檢武翼郎王利  
檢察者安撫大使司准備差遣奉議郎安  
自求迪功郎沈正路工畢以狀上尚書明  
年二月禮部給牒而度者華嚴寺五人能  
仁寺五人保寧寺五人清涼寺三人壽寧  
寺二人

建康府保寧寺輪藏記

維摩氏極天下之辯而反之于默甚為法

名之曰不二夫不二即一矣不言其一而言

其二豈以一猶為有在者歟道未始有二

也既以有物不得不裂為二彼自為二而

吾強欲一之必有廢其一以成其二者非

道之全也要有非一而不二者存焉尔何

特維摩氏為然孔子曰鄙夫問于我空：

如也我叩其兩端而謂為空、云者豈有  
物寔之者哉然猶意其墮于一也則叩之  
以兩端蓋維摩氏所謂不二法叩之兩端  
而知其所解則以吾之所知證彼之所知  
可一率而盡之矣之人也謂之鄙夫則可  
謂之君子則不可佛以無所言而為一切  
衆生無所不言以為有言不言是顛倒見  
以為無言不言是斷滅見孰能辨其非一

而不二者乎自漢永平為佛者始持其書  
入中國由晉宋歷唐至于今不絕梵語華  
言更相發明傳其孝者又從而申衍之其  
說遂充滿天下輯而藏之皆設為峻宇高  
甍雕刻綵繪脩衆寶以為飾竭衆巧以為  
工苟可以莊嚴者無不至梁普通復有異  
人為之轉輸輪以運之其致意深矣吾少  
時見四方為轉輸藏者無几比年以來所

在大都邑下至窮山深谷號為蕪老十而  
六七吹蠡伐鼓音聲相聞襁負金帛踵躡  
戶外可謂極盛然未必皆遵其言遵其教  
也施者假之以邀福造者因之以求利浸  
浸日遠其本建康寧府保寧寺當承平時  
于江左為名刹更兵火久廢今長老懷祖  
守其故址于煨燼之餘十有四年堂殿門  
廡追復其舊而一新之最後作轉輪藏余

鎮建康時見其始經營後四年余歸石林  
祖以書來告曰歲成矣幸得記其本末祖  
蓋正法眼傳其心者其為人潔而通靖深  
而敏非徒以有為作佛事者也乃為推其  
師之言合諸儒之說正佛之所以言以曉  
世俗之弊祖當益以是振之夫方無所言  
則維摩氏之默如大阿難等得道受記諸  
大弟子皆不任問病及其無所不言則雖

現世音亦從聞所聞而入尔乃寺之興廢  
係其時人之施舍係其力有不必記故不

書

書為山亭石後上

紹興辛酉兀朮以衆二十萬入寇壬戌渡

淮擄合淝二月辛未淮西宣撫使軍出征

癸酉渡江是夕敗賊前鋒壁歷陽丙子又

敗之于含山戊寅又敗之于巢縣己卯又

敗之辛巳復寇和州又敗之壬午又敗之

于金椒癸未甲申又連敗之于關口丙戌

又敗之于仙宗丁亥又敗之于名導己丑

遂敗兀朮于店步復合淝庚寅王即入廬  
州賊盡過淮奔乙未班師乙卯獻俘于王  
所江南東路安撫制置大使葉某記

祝文

到任謂先聖文

某聞鄉飲之禮雖不足解平城之圍而魯  
人佐歆之聲或可以却秦道文德之用久  
矣某孝無所成干戈之際再臨舊治潔齋  
款謂有愧平生惟俎豆在列延見諸生追  
求在泮獻馘之意使無子衿城闕之歎猶  
不敢不勉惟先聖尚鑒臨之



到任謁諸廟文

某頃者待罪此邦初無以事神而和其民  
今去之七年上不以其不能詔俾復臨書  
舊治而益之留鑰之重其有媿于神多矣  
強敵未殄民之凋瘵尚多徃者不及而來  
者未知免蓋惕然未敢安惟陰隲一方用  
佑相其對封守則神固有常德而某寔預  
受其賜此猶竊恃以苟朝夕者神尚顧之

忽忘

祈雨寶公塔文

某入境問民疾苦皆曰自春雨澤僅足播種而未洽五月不雨至于今年之將秀者蓋病矣比連日雖霑油雲之潤而境內猶不徧及閔之憂在于旦暮歷旬不繼則民必不受其害者用是惕然不敢安惟至人無心与法皆一遠迹何擇孰非慈哀願矜憮憮迫之情特賜廣大之惠使民得益

蘓于凋殘安輯之餘則其亦庶几免咎于  
強勉泣事之始誠意殫盡此言必聞

祈晴寶公塔文

惟我邦人仰依法蔭迫窮赴愬允有急而  
必歸艱厄更嘗蓋無求而不應今茲淫潦  
殆已彌旬苟朝暮之未回必高旱之皆病  
願宏普濟俯鑒群情萬億有歲亟被秋陽  
之暴十千並耦終償歲事之成庶俾豐穰

益蘇凋瘵

祈晴諸廟文

去歲夏旱民力未蘇今春牛疫繼之南畝  
之艱亦已至矣而連月陰霖不已復將害  
于秋成方中原有奠王師在塗調農屯戍  
無非出于民者歲或不稔公私皆病神豈  
重困之乎靈鑒不遠有禱必聞懇迫之言  
不待再三尚祈昭荅在此朝暮願同凋瘵  
均受神禧

謝晴寶公塔文

入春多雨懼有害于梁盛婦命控祈仰干  
于茲蔭亟蒙昭格盡掃陰霾歲有麥禾稍  
愈疲民之望官箴困廩更覺寬慢吏之憂  
大施無邊頌言莫罄

謝晴諸廟文

某待罪此邦將月將再周凜然念民事之  
難未嘗終日敢忘比以陰沴先常預申嚴  
請不踰旬決卒落鑿臨寒氣既歲陽光訖  
見農夫之慶已若有秋敢祇薦於菲誠尚  
有祈于終惠

祈雨諸廟文

眷茲江壩例苦愆冗適惟敝邑雨澤以時  
布種既周秋成可望尚須霑霈以訖有收  
願推濟物之慈更廣油雲之施仍均遠迩  
俾獲豐穰豈徒一邦獨受大賜尚祈孚鑒  
克亮菲誠

謝雨送洞府龍神文

早暎之憂慄之慄危懼遍禁百神曾莫肯

顧粵惟神龍呼吸雲霧是惟其哉奔走徃

訴敢勤于行救此朝暮風馬在塗若聞指

呼一雨三日澗壑流注焦稿盡興如手親

拊敢曰時澤寔惟膏乳愧我不德孰逃神

怒仰懷威靈自以民故莫筭拜賜尚弗我

吐功名成不言載肅徒御躬率邦人言餞



于路鼓鐘嘯轟旂纛翔舞神德在人既飽  
既哺我獨何為永鏤肺腑

祈雪諸廟文

日已至矣二麥在田嗣歲之須時雪未降  
方嚴彊事民力尚艱懼迫常賜敢以預告  
願施沾渥川軫殘凋殘區：此心屢干神  
聽惟其終惠無替厥初

祭文

祭謝侍郎文

仕以孝優業以志勤我行四方所居必群  
克踐斯言夫誰易君如耕硯田既蓄既耘  
剪其蒿稂待以雨露及夫既登靡實不蕘  
如營大厦樸斲斧斤取材鳩工自楨及棼  
逮夫落成丹雘惟文念初斯後不寂載欣  
豈曰邂逅婚姻之云君亦謂我皂白太分

肯獨吾知掇彼澗芹一紀于茲世方糾紛  
顧瞻茫：邈其無垠孰拯孰援蕩其穢氛  
孰瀾孰除闢孰除獵其麋麇中夜起數卧  
不及昨斯謂此折衝豈惟三軍文武天子  
允集大勲擢君不次發其清芬豈弟之政  
人飽其饋温厚之誠士沐其醺胡不少留  
遍殞江濱奉訃失聲心焉如焚五尺之旌  
三尺之坟已乎遂慈徃者如雲豈無善類  
孰為猶薰嗟我老矣童頭驚筋念昔許我  
並隣桑粉今几何時倏閱朝曛君不可還  
徒懷蒿焄古今同然逝波云：尚有此時  
詞君乎猶聞

祭韓運使文

忠憲之德博厚溫恭左右仁祖既有顯庸

是生康公至于莊敏宜其孫曾百世不泯

侃：大夫莊敏之孫盎然慈和克紹其門

宣和丁亥從我許下二十二年如閱晝夜

持節西來再見江瀕從遊凋零存者几人

謂當周旋握手一病莫留遽告不起君晚

求道湛然虛明臨訣告我曠無遺情夢幻

去來君亦何有我獨悲傷哀此朋舊歛以  
時服祭以家蔬君像在堂甚瘠而懼味君  
之言僅隔晨夕隕涕陳詞尚君來食

祭周大夫文

文安手足同產五人其四先亡非君孰親  
石林巖山同一雪濱百里而近實相為鄰  
我雖老矣來往莫頻語言相聞意則甚真  
晚君晚自言得妙谷神揆不死藥可閱大  
椿云何不淑遽蛻翬塵幻化固然孔懷婚  
姻四十三年如越暝晨中間憂樂曷可具  
陳凌雲超然一笑天鈞揆君之智寧計此

身我獨何為淚落雷中減辭寓哀百念酸

辛

祭淨山主文

我葬先君于卞之麓遂將終焉因以卜藥

惟時導師凜若冰玉惠然我從實憫幽獨

西居既成左松右竹瀉山水括各自放牧

今者何為棄我不復愧生滅想未免凡俗

無縫之塔照映巖谷是第一祖開山老宿

子孫無忘尚見遺躅欲知其勤視此喬木

顯祖贈太史惠國公焚黃文

其待罪建康之二年上不以爲無能過錄  
其勞進賤資政殿大學士禮得通贈二代  
是歲大享明堂賜我顯祖爵而詔之曰尔  
祖實淳于名莫克究厥蘊惟尔慈孫嘗登  
揆路用肇開國于惠以蔭庇于嗣人某墮  
越感泣惧無以承天子休德而私竊自幸  
我顯祖之遺烈餘懿實獲暴耀九泉屬以

再留閩寄不獲躬致奠謂夙夜不敢寧謹  
遣曾孫男右宣義郎充江南東路安撫制  
置大使司書寫机宜文字模奉告歸省虔  
薦于墓道尚明惟明靈鑒格某不勝淒愴  
慘咽之至

顯考贈太保樊黃文

某不孝弗獲盡養于我顯考使之耄期百  
年終身之憂未嘗一日而忘尚惟天子仁  
聖時得追賁九泉潛德懿行猶以表見後  
世頃初猶預聞政事驟越常典進位少師  
後凡四當大禮有司限止法仍守舊秩  
去年秋明堂禮成以某忝資政殿大學士  
于是始開公爵有太保之命幽顯存沒其



寵綏之亦已至矣而其終無以奉承先志  
仰圖報塞徒感悼震越不遑寧處復蒙誤  
恩再守留鑰不能即歸省謹遣孫男右宣  
義郎充江南東路安撫制置大使司書寫  
机宜文字模躬造墓下明靈不昧尚克鑒  
臨某引領東望涕泣慘愴不知所言

石林居士建康集卷第四終

